

**DANKI NA E STADION RENOBNA,
CAMPEONATO U-15 DI
CONCACAF TA WORDO HUNGA
NA ARUBA**

Aruba ta cla pa ricibi parti di Campeonato U-15 di Concacaf 2025



WWW.SOLODIPUEBLO.COM



SOLODIPUEBLO@GMAIL.COM



UN SEÑORA DI EDAD A FAYECE DEN CAS NA MADIKI CU A PEGA CANDELA



APELACION MIKE DE MEZA CONTRA MINISTERIO PUBLICO TA WORDO TRATA DIAMARS AWOR

**CHAUFFEUR A
SIGUI STRET RIBA
ITALIËSTRAAT PASA
DOR DI FIN DI CAMINDA
SUBI E "MEDIAN" DAL
BORCHI TRAFICO DEN
SCHOTLANDSTRAAT**

**16 PERSONANAN,
A DETENE 2 Y A
ENTREGA E OTRO 14
HOMBER NAN NA
PERSONAL DI WARDIA
NOS COSTA**




**BOBBY DE KORT
A BAY SOSEGA;
ARUBA PERDE UN
GRAN PATRIOTA**

Aruba perde un gran patriota



BRAKE A FAYA Y UN NISSAN TIIDA A BAY DAL TRAS DI UN HYUNDAI TUCSON LAGANDO UN HENDE HERIDA




Diasabra anochi a drenta informe di un accidente cu hende herida na San Miguel, mesora a dirigi tanto polis como ambulans na e sitio. Na yegada di e

patruxa a bin compronde cu aki ta trata di un accidente unda un Nissan Tiida un di su brakenan a faya y a bay dal tras di un Hyundai Tucson. Debi na e


fuerte impacto e chauffeur di e Tiida a resulta herida.

Na yegada di e ambulans nan a atende e victima.

DESPUES DI A BEBE HUNTO SALI HUNTO PAFO DAL HUNTO PAFO TAMBE!



Diadomingo madrug a drenta informe di un accidente dilanti Yen Yen Bar & Restaurant, mesora a dirigi un patruxa na e sitio. Na yegada di e patruxa a bin compronde cu e chauffeurnan a bay sali hunto pareu for di e sitio y nan a bay dal den otro. Afortunadamente ningun hende a resulta herida.



16 PERSONANAN, A DETENE 2 Y A ENTREGA E OTRO 14 HOMBER NAN NA PERSONAL DI WARD NOS COSTA


Den ora nan di diasabra anochi, a tuma nota di un contacto sospechoso nabegando den direccion di Aruba. Inmediatamente a notifica personal di e avion di Wardacosta pa dirigi nan mes rapidamente na e localidad. Mientras tanto tambe a pidi personal di un Metal Shark pa sali for di Steunpunt y dirigi nan mes den e mes un direccion. E avion a logra di constata cu ta trata di un lancha cu personanan indocumenta.

E Metal Shark a logra di yega na e momento

necesario pa asina por intercepta e lancha riba lama. A transporta e lancha y e personanan y a hiba nan te na Steunpunt na Savaneta.

Ta trata di un total di 16 hende homber indocumenta.

Di e 16 personanan, a detene 2 y a entrega e otro 14 homber nan na personal di Warda Nos Costa



BOBBY DE KORT A BAY SOSEGA; ARUBA PERDE UN GRAN PATRIOTA

Aruba perde un gran patriota

Informacion cu a yega na nos mesa di redaccion ta indica cu señor Bobby De Kort a fayece awe madruga, mas o menos rond di 2'or pa 3'or di

madruga, despues cu a sufrí un situacion medico repentino na aeropuerto mientras e tabata sinta den sala di espera, pa tuma subi avion.

Mesora a yama ambulance y a transporte pa hospital, unda el'a ricibi atencion medico. Desafortunadamente, a bin confirma cu e no a logra supera e situacion critico y a fayece.

Bobby De Kort ta conoci pa su gran amor pa Aruba. Un persona nacionalista cu un gran trayecto den varios sector, y despues a biba un tempo na Hulanda, unda el'a forma su hogar hunto cu su señora, cu tabata constantemente na su banda.

Na Aruba, hopi hende lo por recorda Bobby tambe pa su trabao di bende pisca, ora e yega na cas di



hende of para na banda di caminda pa bende su piscanan fresco.

Pero aparte di esey, Bobby De Kort tabata un voz conoci den opinion publico: e tabata duna su opinion riba e desaroyonan cu ta tuma luga den nos

pais. Como fiel oyente di 95.1 Top FM, e tabata sigui programa di mainta y merdia cu gran interes.

Nosta manda nos profundo condolencia na su señora, su famia y tur esnan cu conoci of stima di Bobby. Cu su alma por haña pas y descanso eterno.

Clasificados










SOLODIPUEBLO@GMAIL.COM

CEL.585 9500





Noticia di Corte

APELACION MIKE DE MEZA CONTRA MINISTERIO PUBLICO TA WORDO TRATA DIAMARS AWOR

ORANJESTAD – Diamars awor 29 di Juli 2025, Hof di Corte Superior, lo trata e apelacion di Parlamentario Mike de Meza, contra e decision di Hues di Corte den Promer Instancia di 17 di July 2025.

Dia 17 di July 2025, Hues di Corte den Promer Instancia a trata e caso cu Mike de Meza a cuminsa contra Ministerio Publico. Tratamento di e caso tabata cu portanan sera pero por a compronde cu abogado mr. Croes hunto cu

Duijneveld a existi pa Hues, a base di articulo 43 di Codice di Procedimento Penal, ordena Ministerio Publico pa duna Mike de Meza mas informacion tocante e tipo y e motibo di e acusacionnan contra dje. Ademá mr. Croes y Duijneveld a existi pa Ministerio Publico tuma un decision riba e persecucion penal promer cu 15 Augustus 2025.

Hues a rechaza e peticionnan y mr. Croes a apela contra e sentencia.

Hof di Corte Superior a stipula cu Diamars 29 Juli 2025 pa 2'or di merdia, lo trata e apelacion.

E tratamiento di e apelacion lo ta cu portanan sera, esta cu prensa no por cubri esaki. Por a compronde cu ta via video conference e tratamiento lo tuma lugar. E tres Huesnan cu ta forma Hof lo ta den Corte di Husticia na Curacao y via pantaya grandi den sala di Corte di Husticia di Aruba, lo trata e apelacion.


CHAUFFEUR A SIGUI STRET RIBA ITALIËSTRAAT PASA DOR DI FIN DI CAMINDA SUBI E "MEDIAN" DAL BORCHI TRAFICO DEN SCHOTLANDSTRAAT



Diasabra madruga a drenta informe di un accidente pabao di Sun Plaza riba E.J."Watty" Vos blvd., mesora a dirigi un patrulla na e sitio. Na yegada di e patrulla a bin compronde cu e auto tabata biniendo di Italiëstraat pasa door di fin di caminda subi Schotlandstraat, bay subi e "median" dal borch di trafico di e otro banda. E chauffeur mes a bandona e

sitio ela bay hasta lagando su celular atras. Ela causa bastante daño na e sitio.

Como cu e chauffeur no tey polis a confisca e auto y e celular.



ARUBA BANK TA DUNA UN CALUROSO BON BINI NA MANAGING DIRECTOR NOBO ROB J.H. DE RIDDER



**Aruba Bank
ta duna un
caluroso bon
bini na Managing
Director nobo
Rob J.H. de
Ridder**

Oranjestad, Aruba – 28 di juli 2025 – Aruba Bank ta anuncia cu señor Rob J.H. de Ridder lo tuma e puesto di Managing Director y Chairman of the Management Board, desde prome di augustus 2025.

Señor De Ridder tin mas di 30 aña di experiencia internacional den liderazgo bancario, entre otro na institucionnan bancario manera ABN-AMRO, Citibank, Royal Bank of Scotland y Danske Bank. Su experiencia ta inclui Crime Prevention, Product Management, y Technology and Operations. Alavez e ta kere den promove sostenibilidad, desaroyo di talento, y un bon experiencia di cliente. Nos ta gradici señor J. Arie Stam pa su dedicacion y contribucion valioso na Aruba Bank. Mientras cu e ta prepara pa su salida den algun luna, nos ta deseé tur cos bon di antemano.

Nos ta contento pa duna un bon bini na señor De Ridder den nos ekipo, pa hunto nos sigi crece y inova na beneficio di nos clientenan



THE CASINO AT
ST REGIS
ARUBA

Exquisite Bingo

Starting Saturday, August 2nd, 2025

Every Saturday and Sunday at 8:30 AM. Casino doors open at 7:30 AM. Buy-in: \$20. Buy 2 bingo games, get the 3rd on us. Limited capacity available.

Bingo pre-sale: Every Friday and Saturday from 3:00 PM - 8:00 PM.

\$5,000 in total prizes

Game 1 \$150	Game 7 \$1,000
Game 2 \$150	Game 8 (51 calls
Game 3 \$200	& up) \$2,000
Game 4 \$300	Within 50 calls,
Game 5 \$500	Progressive
Game 6 \$700	Jackpot

Progressive Jackpot starting at
\$25,000

*For more information, visit the Casino VIP Desk or
call us at +297 281-2374*

The Casino at St. Regis Aruba reserves the right to modify or cancel this promotion at any time. Must be over the age of 18 years.
The Casino at St. Regis Aruba encourages responsible gaming.

STICHTING DJIS PA HARI MEDIA VERSE A INSPIRA DIES PARTICIPANTE C'UN TAYER DI PODCAST



Fin di siman pasa a tuma luga un iniciativa di Heart Centered Leadership Foundation, caminda ta empodera hoben via diferente proyecto moderno y creativo. Riba 12 y 19 di juli, un total di dies participante a haya un Basic Podcast Workshop facilita pa Stichting Djis Pa Hari Media Verse, kende ta un organisacion enfoca riba asisti den desaroyo di talento y estimulacion di Aruba su economia oraño.

Esaki tabata un tayer di dos dia facilita pa Ephrayim Odor y Semi Chahmi, caminda participantenan a siña e "basics" riba con pa setup un podcast. Despues nan a bay over na traha nan propio concepto y graba un test di nan podcast. Nan mes a setup tur cos, prepara nan temanan, y

nan a graba nan mes. Cu e conocimiento nobo aki, e idea ta pa nan mes bay crea un plataforma di hoben pa hoben bao guia di Heart Centered Leadership Foundation.

Esaki ta actividadnan cu no solamente ta introduci conceptonan nobo na nos hobennan, cu nan por bay sigui desaroya nan mes mas den futuro como un carrera profesional, pero tambe pa stimula desaroyo personal den varios aspecto. Hobennan ta siña traha cu otro, colabora, brainstorm hunto, bin cu solucionnan na problemanan cu presenta na ultimo momento, y asina por sigui menciona e beneficio di e tipo di actividadnan aki. Esaki ta algo cu Heart Centered Leadership

Foundation semper a para duro tras di dje pa medio di diferente actividad y programa cu nan ta brinda. Tambe, dunando e hoben e oportunidad pa crea su propio plataforma y vocifera su opinionnan, comparti su ideanan, y crea un espacio caminda por educa y motiva otro riba diferente tema.

Y awor tambe Stichting Djis Pa Hari Media Verse, kende ta bay yuda contribui den haci e vision mas grandi ainda, cu e sosten di nos comunidad y tur cu ta kere den desaroya y crea cosnan nobo pa Aruba. Tur esaki tabata posibel danki n'e sosten cu Heart Centered Leadership Foundation ta ricibi for di Fonds 21.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



UN SEÑORA DI EDAD TA FAYECE DEN CAS NA MADIKI CU A PEGA CANDELA



Diadomingo pa 01:26 di marduga central di polis ta wordo notifica di un candela na un cas na Madiki.

Ta despacha patruya di polis y como tambe brandweer. Na yegada di patruya ta topa cu un cas candela.

mesora na combati e candela.

Un rato despues ta bin compronde di esnan cu ta biba eyan y rond den vecindario cu aparentemente tin un señora den cas ainda.

Brandweer a logra paga e candela y despues a bay controla den cas y a bin topa cu un curpa sin bida.

Di biaha a pone recherche, polis tecnico, Slachtofferhulp como tambe e dokter



forensico na altura. juli 1960. E victima ta un hende muher di inicial Clomene Pierre naci na Haiti dia 6 Cuerpo Policial ta manda palabra di condolencia na famia di e fayecida.

AUTO A BIRA DILANTI UN BROMMER Y E MOTOCICLISTA A CAY KEDA MAL HERIDA Y E AUTO A BAY!

Diabierna madruga a drenta informe di un accidente na Bubali, mesora a dirigi tanto polis como ambulans na e sitio. Na yegada di e patruya a compronde cu un auto lo a bira dilanti e brommer y e motociclista a cay. No por a confirma si e brommer a dal e auto of no pero e brommer a keda basta destrui y e motociclista tabata basta mal herida. Na yegada di e ambulans nan a atende e victima y a transporte cu urgencia pa hospital.

Mientras polis a sera e caminda pa basta rato pa investiga con exactamente e accidente aki a pasa.



MINISTER WENDRICK CICILIA DI BISHITA NA UNDA TA “CARGA” NOS ECONOMIA



Diabierna merdia, Minister mr. Wendrick Cicilia hunto cu Minister drs. Rene Herde tabata presente riba waf di carga na Barcadera pa topa cu ehecutivonan di Aruba Stevedoring Company (ASTEC). Durante e bishita nan a cera conoci cu e parti operacional di e compania, un parti vital di nos economia.

Tur producto importa ta pasa a traves di ASTEC y di nos waf. Tur e partinan di logistica y operacional cu ta garantisa cu esaki ta yega den e curason di nos economia ta sosode na ASTEC.

“Locual cu ta yena nos cu satisfaccion ta cu e parti operacional ta maneha pa nos propio hendenan”, asina mr. Wendrick Cicilia a expresa.

Un 90% di e actividadnan cu ta sosode riba e tereno di waf di carga na Barcadera ta encarga pa nos propio profesionalnan local. Importante pa destaca cu ta reconece den Caribe

como un di e miho wafnan pa descarga barco.

Por mira un tempo di “turn over” di apenas 5 minuut, cu ta e tempo cu un compania di carga ta tuma pa saca un container for di tereno di waf. Anualmente ta procesa alrededor di 350 barco di carga pa aña, cu hunto ta trece como 20.000 container pa Aruba.

Locual ta importante pa subraya ta cu esaki ta

cosecha di Gabinete Mike Eman I & II cu tabatin e vision pa traspasa e waf pa descarga barco for di Oranjestad pa Barcadera.

ASTEC ta un compania forma pa tur e companianan di descarga y procesa carga cu tabata operacional riba waf na aña 1983. Nan tur a uni y forma un solo compania. ASTEC ta opera bou direccion di un profesional Rubiano, Christopher Lake.



DANKI NA E STADION RENOBA, CAMPEONATO U-15 DI CONCACAF TA WORDO HUNGA NA ARUBA

Aruba ta cla pa ricibi parti di Campeonato U-15 di Concacaf 2025

Oranjestad, Aruba – Concacaf a anuncia e calendario oficial pa e 2025 Concacaf Boys’ U-15 Championship, cu lo tuma lugar di 2 te 10 di augustus 2025, y Aruba ta un di e tres paisnan anfitrión. E di 5 edicion di e torneo lo tin 38 federacion miembro di Concacaf, hunto cu un pais invita: Arabia Saudita. E partidonan lo ser dividi entre Costa Rica, Aruba y Curacao:

Costa Rica lo host Liga A
Aruba lo host Liga B,
Curacao lo host Liga C
Pa loke ta Aruba, tur partido di Liga B lo wordo

hunga na Stadion GPT Dakota, cu ta preparando pa ricibi e talentonan hoven di futbol di region. Formato di Torneo

Tur liga lo tin su propio fase di Group Stage (fase di grupo) y despues e Knockout Stage (fase di eliminacion directo). Tur liga lo corona su propio campeon:

Group Stage: di 2 te 7 di augustus
Knockout Stage y Final: di 8 te 10 di augustus
Final Liga B y C: 9 di augustus
Final Liga A: 10 di augustus
Un gran oportunidad pa



Aruba E seleccion hubenil di Aruba lo tin chens pa hunga na su propio tereno, y e evento ta un gran oportunidad pa promove deporte y turismo riba e isla. Solo di Pueblo ta desea tur ekipo exito, y nos por ta orguyoso di por host e campeonato aki, cual solamente ta posibel den un stadion renoba, certifica y aproba pa Concacaf.

POLIS CU SUPLICA PA CHAUFFEUR DI E ISUZU CU A OCASIONA ACCIDENTE NA SANTA CRUZ Y A CORE BAY PA E PASA WARDAS DI POLIS MAS CERCANO PROME CU NAN BAY BUSK'E




Diasabra mainta a drenta informe di un accidente na Santa Cruz panort di e Cede di M.E.P., mesora a dirigi un patruya na e sitio. Na yegada di e patruya ya caba e auto a bandona e sitio. Testigonan a bisa cu aki ta trata di un auto Isuzu cu a baha caminda na man drechi bayendo zuid y a subi acera bay dal un borchí trafico y un palo di lus. Polis ta pidi encarecidamente pa e chauffeur meld su mes na un di e warda di polis prome cu nan bay busk'e



y detene pasa berguensa. den e area cual por Ademas di e testigonan identifika. tambe tin varios camara

AUTO A SALI FOR DI CURA DAL BROMMER CU A SORTIA PA BIRA NA MAN ROBES




Diasabra atardi a drenta informe di un accidente cu hende herida na Ponton, mesora a dirigi tanto polis como ambulans na e sitio.

Na yegada di e patruya a bin compronde cu motociclista biniendo for di nort a sortia pa bay bira na man robes mientras un auto Kia Rio a

bay sali for di cura. Na yegada di e ambulans a atende e motociclista cu tabata tin hopi dolor na su pia y nan a transporte pa hospital.

BRAKE A FAYA Y UN NISSAN TIIDA A BAY DAL TRAS DI UN HYUNDAI TUCSON LAGANDO UN HENDE HERIDA



Diasabra anochi a drenta informe di un accidente cu hende herida na San Miguel, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un

accidente unda un Nissan Tiida un di su brakenan a faya y a bay dal tras di un Hyundai Tucson. Debi na e fuerte impacto e chauffeur di e Tiida a resulta herida. Na yegada di e ambulans nan a atende e victima.

Clasificados

SOLODIPUEBLO@GMAIL.COM
CEL. 585 9500

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Con tempo ta pasa liher, pasa nos voorbij, ora nos ansha nos curpa pa hasi cosnan cu no tin asina pura. Con tempo ta inspira, ora nos tin pasenshi, ora nos ta trankil y goza di locual nos tin cu hasi. Sea ta na cas of na trabao of den nos tempo liber. Tempo ta un regalo precioso duna na nos pa nos ta bek un regalo pa Dios. Lady Ruth, birando poco poco un adulto mas mayor, ta hasi bon uso di su tempo. Nos no ta ansha mas pa otronan y nos no ta bay tur caminda mas ora nos no tin smak pa bay. Hopi kier tin mas tempo ora sufriendo kebrante di salud, mientras otronan ta malgasta nan tempo cu bebemento. Lady Ruth no ta bisa cu bebemento ta malo, solamente si ta esey so bo ta hasi dia den dia aforanto bo mes ta hasi bo curpa malo. Mester tin un balans den tur cos. Tur cos di mas ta malo pa salud. Ora bo para keto un rato y realisa, bo ta ripara cu, cada dia no ta mesun dia, y cu prome cu bo realisa, ya un otro dia, un otro siman, un otro luna y un otro anja a pasa. No warda y tene bo na cosnan solamente “pa majan” of pa “dia bo tin penshoen”, pasobra nos niun sa di majan si nos lo mir’e. Un pida chikito di nos ta bay den “ayera” cu cada bahada di solo, un ta sina ? Pero mi ta gusta

si e palabranan di mi grandinan, pa, no warda pa hasi mayan locual bo por hasi awe. Kemen tin cosnan cu nos tin cu realisa y hasi awe, enbez di pushele pa hasi mayan. Tin cu ta spaar y spaar, traha duro y spaar pa nan bay cu vakantie largo otro anja. Nada robes den esaki, pero, nan ta lubida di “biba pa awe” y no ta hasi nada leuk mas, ni sali bebe koffie of wak un cine, pasobra nan tin cu spaar. Ufffff.....awendia tin e facilidad di usa credit card y paga despues. Hopi ja ta hasi uso di esaki. Tin ta traha pa biba y tin ta biba pa traha. Ufffff..... Lady Ruth regularmente ta cu e pensamentonan varia y abstracto aki, principalmente despues di a tende cu un otro conosi, famia of amiga a bay laga nos. Mi ta sigur cu hopi tin e pensamentonan aki ta keiro den nan mente, sinta na un entierro y por pensa, con lo kier wordo dera of crema ora di muri. Hopi kizas no ta ni worry mes y ta kere cu nan ta aki den e mundo aki pa semper. Nos fe, y nos cada un tin un midi di fe, ta muestra nos cu nos alma lo bay bek serca nos Creador. Nos curpa lo marchita, bira biew y muri un dia, ni maske cuanto cirugia plastico di beyeza a hasi pa keda hoben, tur tin cu crusa e brug pa e mundo aya un dia. Lady

Ruth ta un crenchi ocupa ta organisando un ke otro, pero asina cu e keda cla, e lo bolbe bay bishita nos grandinan pa conta nan storia, recita poema pa nan y of canta cu nan. Mientrastanto den su oranan liber, e ta ketobay gusta bay bebe un dushi Aruba swing na Coffee House serca Betty den oranan di atardi. Mainta e sa bay cu su amiga Verna of su esposo Johan. “Taking it easy”, suave relaha y combersa. Nos kier a manda condolencia pa famia y amigonan di Albert “Cachi” Henriquez cu tempo di su tempo activo a duna les di tennis na nos dos yui hombernan riba e cancha na Eagle y antes riba e cancha na Tarabana cu no ta existi eynan mas. Tremendo instructor di e deporte aki di tennis. Un cabayero stret to the point, serio, sincero y honesto. Cu Cachi sosega na paz y lus eterno lusa p’e. Ta varios conosi a bay nos dilanti ultimamente. Na boso tur cu mester a despedi di un ser keri, condolencia, consuelo y amor ! Shonnan, hasi bon uso di boso tempo precioso regala na boso dia pa dia. Cu gradicimento na e curason ! Y cu esey, un toke mas alegre nos ta conclui nos relato. Nos ta saluda nos famia beautiful Amber



Bergstra cu graduacion di un di su prinsnan Luceni. Nos bishita serca nan na Hulanda tawata un di e hi lite’s nan cu un dia hopi agradabel cu su prinses tambe Dominique “Dodo”cu su felis y guapo pareha . Nos no a logra topa cu Amber su otro prins Thomas, pero a regala nos e bunita pic di nan 4. Tawata dushi pa a topa cu Tante Gietie y Oompie Elvis. Danki lieve Amber pa e atencion, amor y carino ofreci na Johan y Ruthy. Pronto nos ta topa atrobe, Dios mediante ! Shonnan, danki pa lesa nos relato ! Saludos di

Ruthy Lady Ruth cu un “bearhug” grandi !.



NA POS CHIKITO UN AUTO DEN CURA SIN NUMBER A PEGA NA CANDELA DEN FORMA MISTERIOSO



Diasabra madrugaba a drenta informe di cu tin un auto na candela den un cura di cas, mesora a dirigi bomberonan na e sitio.

Na nan yegada a nota cu aki ta trata di un Mitsubishi Lancer para den cura sin number cual ya caba tabata full na candela y tambe a

causa daño na un otro auto su dilanti.

Bomberonan a logra domina y paga e candela.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - July 27, 2025

 Sorteo # 4692 3738 3272 9155  FP  Sorteo # 4692 3760  X2  Sorteo # 2748 6382  Sorteo # 4692 9884 Acuario  Sorteo # 1566 027  X2	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">280.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table>  <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="4">55.000,-</td></tr><tr><td>0 x Match 4</td></tr><tr><td>0 x Afl. 8,00</td></tr><tr><td></td></tr></table>  <table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">300.000,-</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table>  Afl. 440.000,-  <table><tr><th>Sorteo #</th></tr><tr><td></td></tr><tr><td></td></tr><tr><td></td></tr></table> 	Sorteo #	Joker	Letter	0 x Jackpot	Proximo Jackpot		0 x Match 4+	280.000,-		0 x Match 4			0 x Afl. 12,00			Sorteo #	Proximo Jackpot	0 x Jackpot	55.000,-	0 x Match 4	0 x Afl. 8,00		Sorteo #	Mega Ball	0 x Jackpot	Proximo Jackpot	0 x match 4	300.000,-	0 x Afl. 500,00	0 x Afl. 50,00	0 x Afl. 15,00	Sorteo #			
Sorteo #	Joker	Letter																																		
0 x Jackpot	Proximo Jackpot																																			
0 x Match 4+	280.000,-																																			
0 x Match 4																																				
0 x Afl. 12,00																																				
Sorteo #	Proximo Jackpot																																			
0 x Jackpot	55.000,-																																			
0 x Match 4																																				
0 x Afl. 8,00																																				
Sorteo #	Mega Ball																																			
0 x Jackpot	Proximo Jackpot																																			
0 x match 4	300.000,-																																			
0 x Afl. 500,00																																				
0 x Afl. 50,00																																				
0 x Afl. 15,00																																				
Sorteo #																																				



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - July 27, 2025

 Sorteo # 8606 2061 7279 9882  X2  Sorteo # 7650 2883  X2  Sorteo # 2355 2064  Sorteo # 6409 8184 Scorpio  Sorteo # 1339 276  X2	 <table><tr><th>Sorteo #</th><th>11-15-26-30-35</th></tr><tr><td>0 x Jackpot</td><td>Joker 4 Letter M</td></tr><tr><td>0 x Match 4+</td><td>Proximo Jackpot</td></tr><tr><td>3 x Match 4</td><td rowspan="2">300.000,-</td></tr><tr><td>145 x Afl. 12,00</td></tr></table>  <table><tr><th>Sorteo #</th><th>03-04-11-18-23</th></tr><tr><td>0 x Jackpot</td><td>Proximo Jackpot</td></tr><tr><td>7 x Match 4</td><td rowspan="2">56.000,-</td></tr><tr><td>156 x Afl. 8,00</td></tr></table>  <table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">300.000,-</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table>  Afl. 440.000,-  <table><tr><th>Sorteo #</th><th>Sorteo # 213</th></tr><tr><td></td><td>279150</td></tr><tr><td></td><td>#VALUE!</td></tr><tr><td></td><td></td></tr></table>	Sorteo #	11-15-26-30-35	0 x Jackpot	Joker 4 Letter M	0 x Match 4+	Proximo Jackpot	3 x Match 4	300.000,-	145 x Afl. 12,00	Sorteo #	03-04-11-18-23	0 x Jackpot	Proximo Jackpot	7 x Match 4	56.000,-	156 x Afl. 8,00	Sorteo #	Mega Ball	0 x Jackpot	Proximo Jackpot	0 x match 4	300.000,-	0 x Afl. 500,00	0 x Afl. 50,00	0 x Afl. 15,00	Sorteo #	Sorteo # 213		279150		#VALUE!		
Sorteo #	11-15-26-30-35																																	
0 x Jackpot	Joker 4 Letter M																																	
0 x Match 4+	Proximo Jackpot																																	
3 x Match 4	300.000,-																																	
145 x Afl. 12,00																																		
Sorteo #	03-04-11-18-23																																	
0 x Jackpot	Proximo Jackpot																																	
7 x Match 4	56.000,-																																	
156 x Afl. 8,00																																		
Sorteo #	Mega Ball																																	
0 x Jackpot	Proximo Jackpot																																	
0 x match 4	300.000,-																																	
0 x Afl. 500,00																																		
0 x Afl. 50,00																																		
0 x Afl. 15,00																																		
Sorteo #	Sorteo # 213																																	
	279150																																	
	#VALUE!																																	
																																		

CUERPO POLICIAL TA INFORMA



DOS DETENCION
NA CATIRI PA
DEPARTAMENTO DI
UNIT NARCOTICA
Diabierna den oranan
tempran di mainta Unit
Narcotica a tene un
entrada hudicial na un
cas na Catiri. Durante
entrada hudicial a haci
detencion di e homber
S.E.K. naci Aruba di 24
año y e muher N.M.A.D.
naci na Venezuela di 21
año. Na e cas a confisca
un cantidad di droga
(marihuana) y suma
grandi di placa.
Tambe durante e entrada
hudicial na e cas a haya
3 persona ilegal y a
detene nan y pasan pa
departamento di Guarda
Nos Costa. Durante
e accion diferente
departamento y team
a yuda entre otro polis
uniforma, RRT, Flex
Team, K-9 y BFTO.
Cuerpo Policial ta haci
un apelacion es cu sa
algo of a wak algo yama e
tiplijn di polis cu ta 11141

EMERGENCIA PA UN BABY CU PROBLEMA PA HALA ROSEA Y TABATA SER HIBA HOSPITAL CU URGENCIA RIBA CAMINDA DI HATO



Diahuebs mainta a
drenta informe di cu
un patruya di polis
tabata habri caminda
di Paradera pa hospital
mientras tabata pidi
pa ambulans topa nan,
mesora riba e caminda
di Hato ambulans a topa
polis y e auto. Mesora
e personal di ambulans
a cuminsa atende cu e
mucha mientras tabata
hib'e hospital.



DEPARTAMENTO DI CULTURA ARUBA
Y
MINISTERIO DI CULTURA

Ta participa fayecimento di



Sr. Franklin Harold Lacle

Mihor conoci como Motor, “one touch”

*18-10-1946 - †24-7-2025

Na bida Tata di nos colega Yvette Lacle

NOS TA EXTENDE NOS MAS SINCERO PALABRA
DI CONDOLENCIA
NA NOS COLEGA, DEMAS FAMILIA, AMIGO Y
CONOCINAN
CU SR. FRANKLIN HAROLD LACLE SOSEGA NA
PAZ DEN REINO DI SEÑOR

Acto di entierro lo tuma luga dialuna 28 di juli 2025
di 9or pa 11or di mainta na Ad Patres Funeral Home
na San Nicolas.

FORTALEZA PA FAMIA

Scirbi pa Pastor Marcel Balootje.

SALBACION TA UN REGALO DI DIOS Y UN NECESIDAD PA TUR SER HUMANO

Si no tabata asina, Dios lo no a manda Su yiu unigenito pa ken cu kere den dj'E no bay bay perdi ma tin bida eterno.

Efesionan 2:8-9 ta para scirbi: Pasobra pa medio di gracia boso ta salba door di Fe, y esey no di boso mes, e ta don di Dios, no como resultado di obranan, pa ni un hende no por gaba.

Salbacion ta un regalo di Dios, y nos tur tin cu comprende cu un regalo ta gratis, bo no a traha pe, pasobra e preis di salvacion ta Cristo Hesus a paga pe na crus, ningun hende no por gana salvacion ni traha pa salvacion.

Pero e ta un necesidad pa tur hende, pasobra e palabra di Dios ta bisa, esun cu kere lo salba, ma esun cu no kere lo ta condena, pasobra e no a kere den e Yiu unigenito di Dios.

Hesus a splica Nicodemo bon cla cu esun cu no nace di nobo e no por mira e reino di Dios. (Juan 3:3).

Den Juan 3:5 Hesus ta bolbe contesta y bisa, di berdad, di berdad mi ta bisa bo, si un hende no nace di awa y di e spirito, e no por drenta e reino di Dios.

Den e bida aki nos tur mester acepta Cristo Hesus como nos Senjor y Salvador, pasobra Cristo Hesus ta e caminda, e berdad y e bida, ni un hende por yega serca e Tata sino ta pa medio di dj'E.

Henter famia mester

entrega nan bida na Cristo, pasobra ta para scirbi cu tur rudia lo dobla, y tur lenga mester confesa cu Cristo ta Senjor pa gloria di Dios Tata.

Esaki no ta asunto di religion, pasobra salvacion ta personal pa cada un di nos, pasobra e palabra di Dios ta bisa den Romanonan 10:9, cu si bo confesa cu bo boca Hesus como Senjor y kere den bo curason cu Dios a lant'E for di mortonan lo bo ta salba, pasobra cu curason hende ta kere pa hanja husticia, y cu boca e ta confesa pa hanja pa hanja salvacion.

Si bo tin un amigo cu no ta hanja cu salvacion ta necesario, haci hopi oracion pe asina e entrega su bida na Cristo Hesus, pasobra no tin speransa pa esnan cu no ta reconoce Cristo Hesus como Senjor y Salvador.

Dios mes a bisa den su palabra cu esun cu no a kere su Yiu unigenito cual ta Cristo Hesus, lo bay perdi, pasobra nan no a kere den Su Yiu, y nan lo cay bao di condenacion, pasobra Dios a stima

mundo y a manda Su unico Yiu y nan a prefera di stima scuridad, y no E lus.

Cristo Hesus no a bini pa condena e mundo pero pa e mundu wordo salba door di dj'E.

Awor mas cu nunca nos ta mira e necesidad di salvacion den henter e mundo, tur e senjalnan ta mustra den direccion den e binida di Cristo Hesus pa busca tur esnan cu a kere den dje y a perservera wardadando su binida. (Mateo 24:13).

No lubida locual ta para scirbi den Juan 3:36 : Esun cu kere den e Yiu tin bida eterno, ma esun cu no obedece e Yiu lo no mira bida, ma e furia di Dios lo keda riba dje.

Si awe bo lesa of scucha e palabra di Dios, no haci bo curason duro, no rechasa bo salvacion, pasobra no tin otro Salvador cu no ta nos Senjor Cristo Hesus.

Entrega bo bida awe.

Sinceramente, Pastor Marcel Balootje.



SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

Despues di un lucha di 6 aña, mi curpa a cansa y mi ta bai sosega.

Mateo 4:18-21

Hesus tabata kana un bia kantu di lago di Galilea. El a mira dos ruman piskadó, esta Simon, tambe yamá Pedro, i Andreas. Nan tabata tira reda den lago. Hesus a bisa nan: ‘Sigui Mi i Mi ta hasi boso piskadó di hende.’ Nan no a pèrdè pa gana, mesora nan a laga nan reda para siguiÉ. Hesus a sigui kana un poko mas leu i a mira dos otro ruman, Hakobo i Huan, yu di Zebedeo. Nan tabata sintá den boto ta prepará nan reda huntu ku nan tata. Hesus a yama nan i a bisa nan siguiÉ.

Cu profundo tristeza pero conforme cu boluntad di Dios, nos ta anuncia fayecimento di

Segunda Mathilda Laclé-Flanegin

Mihor conoci como Thilda, Oma of Omachi, Tanchi, Tanti, Mama y Pepe
*08-09-1950 – †22-07-2025



Su casa:

Hendrik Reynaldo (Henny) Laclé

Yiunan:

Paola Laclé, yiunan y Chase

Lisette Laclé y yiu

Suzette y Darall Erasmus y yiunan

Nietonan:

Sue-Ann y Joan Danies y Kandee

Sherrianty Kelly y yiunan

Gixiana Vrolijk y yiunan

Naygel Kelly

Gixielle Vrolijk y Jean-Louis Peterson y yiunan

Gregine Vrolijk

Ganthalle Vrolijk y famia

Gislaine Vrolijk

Gendrick Laclé y Charlotte Barends y yiu

Shanley Eduwardo y Emma Harmsen

Denise Eduwardo

Bisanietonan:

Zïana, Zayden, Randall, Jerchell (su purukati), Raevann, Sèlina, Raheem,

Joah, Zoan, Zavi, Eliza-Mae y Noëz.

Su Mayornan

†Ana “Canichi” Angela-Flanegin

†Angelico “Jeje” Flanegin

Rumannan

†Vito y †Nanachi Thiel

Henrique “Chino” y Leichin Thiel

†Fernando “Elio” Flanegin

†Jan Willem “Wim” Flanegin

Angel “Chonai” y Ines Flanegin

†Jesus “Nel” Flanegin

Jan Hendrik “Jenny” Flanegin y famia

Subrino y Subrinanan

Victor Thiel y famia

Eric Thiel y famia

Robert Thiel y famia

Subrina stima: Ilienue Thiel (mi bunita)

Subrina stima: Annaly Thiel (mi mahos) y yiunan

Rayron Thiel y famia

Enry Thiel y famia

Elvis Thiel y yiu

Subrino stima manera yiu: Aldwin Flanegin y famia na Merca

Angel Flanegin y famia na Hulanda

Jereld Flanegin

Shannon Flanegin y famia

Sean Flanegin

Sam Flanegin

Un gradicimento grandi ta bay na full e Team di Dialyse Kliniek HOH, manera e tabata yam’e: “mi trabou di 3 biaha pa siman”.

Na esun cu semper el a yama su “yiu homber” verpleegkundige Darrol Pietersz

Na su zuster personal Jaycelyn Maduro pa tur su cariño, atencion y combersacionnan cual ta loke e tabata gusta mas hopi.

Un danki na Raiza Carolina pa su atencion y cooperacion.

Na tur su verpleegkundigen stima: Meredith, Edna, Natasha, Mirlenda, Joanie, Zuki, Richie the rich, Ingrid cu semper ta dun’e un sunchi como e vitamina pa dialyse, Y demas zusters y broeders. Y special na tur su otro coleganan di Dialyse...e ta desea nan hopi forza.

Un danki special tambe na Marisela Werleman, pa su cariño y atencion y pa semper pone Mami hari y na tur su coleganan di Club Roy 50+.

Un danki grandi y special tambe ta bay na dr. Rasmijn pa tur su atencion y etica profesional, corda dr. Mami semper ta bisa: “bo ta nechi”.

Ta invita pa acto di entierro cual lo tuma lugar na Royal Funeral Home diaranson 30 di Juli 2025 di 9.00 am - 13.00 pm.

Despues lo sali pa Santana Catolico na Sta.Cruz

Nos ta lamenta cu despues di entierro nos no por ricibi bishita di condolencia na cas.

Nos disculpa si den nos tristesa nos por a lubida un of otro famia.

BON NOTICIA

CUAL TA E IGLESIA CU HESUS A LANTA NA HERUSALEM, CU TIN MAS CU 2000 ANJA?

Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Herusalem. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesianan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes


visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e portanan di Reino pa laga e almanan drenta den Reino di Cielo. Den e unico Iglesia di Cristo-Hesus, tin e yabinan di e portanan di Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia mester ta Universal. E Iglesia Universal di Hesus, ta e pueblo Nobo di Israel. Awor, tur hendenan na mundo, sectanan y e Hudiunan mes, nan mester kere den Cristo-Hesus y nan mester drenta y bautisa den E Unico Iglesia Universal di Hesus, pa nan por drenta den e Reino di Cielo. Hesus a institui tambe, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Awel na anja 1521, Martin Luther o un frere, teologo aleman a bai contra di e Iglesia Universal di Cristo-

Hesus. El a inventa e theoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan. Martin Luther o a bira Protestant, pasobra el a protesta contra e Papa di Iglesia Universal di Cristo Hesus. Den Bijbel

Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Den Bijbel Revelacion 21: 10-14, ta bisa, di e ciudad Santo di Herusalem cu ta bahando di Dios for di Cielo, briyando di Dios Su Gloria. E muraya di e

ciudad tabata tin diesdos piedra di fundeshi grandi y riba nan, e diesdos nomber di e diesdos Apostelnan di E Lamchi tabata scirbi. Esaki ta e diesdos nombrenan scirbi riba e diesdos Portanan di Reino di Cielo. Awor husga pa bo mes, e Unico Iglesia Universal aki di Cristo-Hesus, tin mas cu 2000 anja y a wordo lanta pa medio di e 12 Apostelnan di Hesus. Nan tabata e prome Obisponan y San Pedro tabata e Prome Papa, e prome cabes visibel di Cristo-Hesus Su Iglesia. E palabra Universal ta significa, Catolica. Compronde bon, ta un Iglesia so tin pa drenta Gloria di Dios y Hesus a institui Su doctrinanan aki pa nos cumpli cu nan. Nunca no ta laat pa compronde y pa sa e berdad.

Scirbi pa Seferino Tromp



Oracion di dia

Un feliz dia fructifero colma cu hopi gracia di Dios.

’Ningun hende no por bini cerca Mi, si mi Tata cu a manda Mi no hal’e cerca Mi’. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.